




TIIAME

Odil Yoqubovning hayoti va ijodi. Ishonchnama.Tilxat

Fan- O‘zbek tili
O‘qituvchi- Kamaliddinova Nigora
Sirajiddinovna



REJA:

1

- Odil Yoqubov hayoti va ijodi

2

- “Muzqaymoq” hikoyasi

3

- Ishonchnoma

4

- Tilxat



Odil Yoqubov (1926-2009)



TIIAME

Odil Yoqubov 1926-yili Qozog‘iston Respublikasi Chimkent viloyatining Qarnoq qishlog‘ida xizmatchi oilasida tug‘ildi. O‘rta maktabni tugatib, O‘rta Osiyo Davlat dorilfununining filologiya fakultetida o‘qidi.


O‘zbekiston Yozuvchilar uyushmasida maslahatchi, “Literaturnaya gazeta”sining respublikamizdagи maxsus muxbirи, «O‘zbekfilm» kinostudiyasi va Respublika kinematografiya qo‘mitasida bosh muharrir, G‘afur G‘ulom nomidagi nashriyotda bosh muharrir o‘rinbosari bo‘lib ishladi. So‘ngra «O‘zbekiston adabiyoti va san’ati» gazetasining bosh muharriri bo‘lib faoliyat yuritdi.



TIIAME

Yozuvchi keyingi yillarda yaratilgan «Ulug‘bek xazinasi» romanida ulug‘ o‘zbek astronomi Ulug‘bek va uning o‘g‘li Abdullatif o‘rtasidagi ziddiyatli kurashlarni tasvirlaydi. Romanda Ulug‘bekning iste’dodli shogirdi, mashhur olim Ali Qushchining ham ulug‘vor obrazi yaratilgan.

Boshqa bir yirik asari - «Ko‘hna dunyo» romanida Markaziy Osiyoning ikki buyuk allomasi Beruniy va Ibn Sino hayoti va fojiali taqdiri qalamga olinadi. Ularning jahon ilm-fani taraqqiyotiga qo‘shtigan buyuk hissalarini umumlashtirishga intiladi. Shuningdek, Odil Yoqubov zamonaviy mavzularda ham «Diyonat», «Oqqushlar, oppoq qushlar» kabi yirik asarlar yaratdi.





O‘zbekiston xalq yozuvchisi Odil Yoqubov «Ulug‘bek xazinasi» romani uchun Davlat mukofotiga sazovor bo‘lgan. «Do‘slik», «El-yurt hurmati» ordeni bilan mukofotlangan.



TIIAME

Atoqli adib Odil Yoqubov 2009-yilda 83 yoshida vafot etdi.

Muzqaymoq (*hikoya*)

Mana, bu voqealarning sodir bo‘lganiga yarim asrdan ko‘proq vaqt o‘tdi. Shaxsga sig‘inish davrining ne-ne jinoyatlari fosh etildi. Bu jinoyatlar qanday dahshatli bo‘lmasin, nazarimda, ularning eng yomoni - kattalar yetmagandek, menday go‘daklarni ham hamma narsaga shubha bilan qarash, ham- mayoqdan yovuz kirdikorlar qidirishga qaratilgan urinishlar deb bilaman.

Nihoyat, dadamlar bilan vidolashadigan kun ham keldi. Vidolashishga uch kishiga ruxsat berishgandi: oyimlar, katta opamlar va menga! Shu boisdan bo‘lsa kerak, qarindosh-urug‘lardan hech kim, na dadamlarning ukalari, na yor-do‘schlari - hech kim kelmadи.



Oyimlar bilan opamlar kechasi uqlashmay, dadamlar uchun bug'doy tolqon, so'k tolqon va yana allaqanday narsalar tayyorlashdi. Chunki bu payt dadamlar ozod bo'ladi degan umid ojiz miltirab turgan shamday so'ngan, u kishini uzoqlarga olib ketishlari chamasi oyimlarga ayon edi.

Ertalab to'rva-xaltalarni ko'tarib qamoqxonaga qarab yo'l oldik. Bu safar bizni ko'p kuttirishmadı. Beliga choynakday to'pponcha taqib olgan harbiy bizni uzun, tor, nimqorong'i yo'lakdan ichkariga boshladi.

Yo'lakning yarmiga borganda o'ng qo'ldagi eshikni ochib, bizga yo'l berdi. Chog'roqqina to'rtburchak xonanining to'ridagi stol oldida gimnastyorka kiygan, sochlari oppoq bir odam allanimalarni yozib o'tirardi.




TIIAME


Dadamlar burchakda kursida o'tirgan ekanlar (men avval u kishini tanimay qolibman!), biz kirishimiz bilan dik etib o'rnidan turdilar. Azaldan barvasta, to'ladan kelgan, novcha odam bir-ikki oy ichida cho'pday ozib, lunjlarini ichiga botgan, ko'zlarini kirtayib, qiyg'ir burni so'rrayib qolgandi.

Yana qamalgan kechasidagidek yig'i-sig'i boshlandi. Oyimlar-ku, yuzini ro'moliga yashirib, jimgina titrab yig'lar, lekin opamlar... dadamlarning bo'ynilariga osilib olgan opamlarning faryodi tor xonani zir titratardi.

Keyinchalik marhum oyimlar ko'p aytguvchi edilar:

- Noinsoflar jilla qursa yarim soat ham fursat bermadilar. Dadang sho'rlikning diydoriga ham to'ymadik. Bergan chorak soatlari ko'z ochib-yumguncha o'tib ketdi...





TIIAME

Bu safar chorak soat davom etgan vidolashuv davomida dadamlar biror marta Stalining nomini tilga olmadilar, qamalgan kunlaridagidek: «Men partiya oldida gunohkor emasman! O'rtoq Stalin barhayot ekan, meni oyoqosti qilib qo'ymaydi!» demadilar. Bil'aks, bir necha marta ko'zlariga yosh olib:

Meni kechir, Gulshan. Ayol boshing bilan besh bolani qanday boqasan - aqlim bovar qilmaydi. Endi yuz ko'rishishimizga ham ko'zim yetmaydi, kechir meni! – dedilar

Har safar dadam shunday deganlarida stolga mukka tushib, allanimalarni yozayotgan kishi:

- Hoy, Yoqubov! - derdi qog'ozdan bosh ko'tarmay. - Senga nima bo'ldi? Yosh bolamisan, Yoqubov?



TIIAME

Nihoyat, bu odam qarshisidagi devorga osilgan almisoqdan qolgan devor soatiga ko‘z tashlab:

- Fursat tugadi, Yoqubov. Endi xayrlashinglar! - deb buyurdi.

Opamlarning nidosi battar avjiga chiqdi. Oyimlar ozgina pul olib kelgan ekanlar, dir-dir titragan qo‘llari bilan dadamlarga tutdi, dadamlar esa:

- Bolalaringga yarat, Gulshan! - deb yolvorar edilar. Lekin oyim ko‘nmadilar, axiri pulni olishga majbur qildilar.

Oyimlar keltirgan pul bor-yo‘g‘i ellik so‘m bo‘lib, o‘nta besh so‘mlikdan iborat edi.

Dadamlar pulni qiynala-qiyntala olarkanlar, besh so‘mliklardan birini menga uzatdilar. Oyimlar pulni mendan olib, dadamlarga qaytarib bermoqchi bo‘lgandilar, dadamlar ko‘nmadilar, kaftlarini boshimga qo‘yib:

- Sen endi bu uydagi eng katta erkaksan, bolam, - dedilar va yana ko‘ziga yosh oldilar. - Oyingga yordamlashib, ukalaringga qarab turgin, bolam! Dadamlar shunday deb besh so‘mlikni cho‘ntagimga soldilar.



Umrimda bir marta senga muzqaymoq olib bermoqchi bo‘lgan edim, bu ham nasib etmadi. Bu pulga daftar-kitob ol! Qolganiga muzqaymoq olib ye, o‘g‘lim!..

Boyadan beri oyim va opamlarga qo‘silib yig‘lashni o‘zimga ep ko‘rmay serrayib turgan bola, to‘satdan, xuddi dadamlarni olib chiqib ketayotgan paytlaridagidek yuragimda nimadir darz ketganday tuyuldi-yu, NKVD xodimining maqtovlari ham, aksilinqilobchilar kirdikorlarini fosh etgan hushyor o‘quvchi ekanligim ham - bari yodimdan chiqib, «Dadajon!», degancha otamning tizzasini quchoqlab oldim.

Bu mash’um voqealardan keyin ko‘p yillar o‘tdi,
ko‘p suvlar oqib ketdi.





TIPAME

Lug‘at

nimqorong‘i — полутёмный

chog‘roq - малый

barvasta - рослый

chorak soat - четверть часа

bil’aks - книжн., наоборот, напротив

lunj - нижняя часть щеки

fursat — момент

barvasta - дородный, рослый

mash’um - злополучный, злосчастный

nido — восклицание

aksilinqilobchi - контрреволюционер

darz - трещина

Matn yuzasidan savollar:

1. Hikoyada qaysi davr tasvirlangan?
2. Matn asosida Yoqubov obraziga izoh bering.
3. Nima uchun bosh qahramon «Endi yuz ko‘rishishimizga ham ko‘zim yetmaydi», - dedi.
4. Oyisi bergen puldan besh so‘mni dadasi nega o‘g‘liga berdi?



1-topshiriq. Jadval asosida asarni tahlil qiling.



Davr	Izoh
O'sha davrga xos bo'lgan xususiyatni yozing.	
Ota nima uchun muzqaymoq olib bera olmadi?	





**Shaxsiy
ish
hujjatlari**



ISHONCHNOMA



TIIAME

Men, Toshkent shahar, 2- Qorasuv dahasi, 214-uy, 5- xonfdonda yashovchi Ahad Ismoilovich Bahodirov qo'shnim Fozil Naimovich Qahhorovga shaharning 7- aloqa bo'limidan mening nomimga kelgan pochta jo'natmasini olish uchun ishonch bildiraman.

2019-yil 16 fevral

(imzo) A.I.

Bahodirov

A.I. Bahodirov imzosini tasdiqlayman.

Xodimlar bo'limi boshlig'i

(imzo) I. Tolipova

muhr

20019-yil 16 fevral



ISHONCHNOMA



TIIAME

Men, Ahmad Isroilovich Soipov kursdoshim Abduqahhor

Shodiyevga shaharning 77- aloqa bo'limidan mening nomimga
kelgan 100.000 (yuz ming) so'm miqdoridagi pul jo'natmasini
olish uchun ishonch bildiraman.

2018-yil 16 fevral

(imzo) A.I.

Soipov

A.I. Soipov imzosini tasdiqlayman.

Institut kadrlar bo'limining boshlig'i

(imzo) G.

Nozimova

2018-yil 16 fevral

muhr



TILAME

2 - topshiriq. O'zbek tiliga tarjima qiling.

Получить мою стипендию за январь, из кассы университета, почтовое отправление на сумму..., в отделении связи.

3- topshiriq. Namunalar asosida ishonchnoma matnini yozing.

TILXAT

Men, Toshkent davlat madaniyat instituti xo'jalik ishlari bo'limining mudiri Baxtiyor Olimov, Toshkent milliy cholg'u asboblari zaavodining tayyor mahsulot ombori mudiri Erkin Karimovdan institut buyurtmasi asosida tayyorlangan umumiyl bahosi 439 700 (to'rt yuz o'ttiz to'qqiz ming yetti yuz) so'm bo'lgan 100 dona rubobni qabul qilib oldim.

(Imzo)

B.N.Olimov



TIIAME

TILXAT

Men, «Qibray» shirkat xo'jaligi brigada boshlig'I Aziza Salimova, xo'jalik cassiri Dilbar Saidovadan brigada a'zolarining iyun oyi ucun 10.187.000 (o'n million bir yuz sakson etti ming) so'm maoshini tarqatish uchun oldim.

2018. 10. 17.

(imzo)

A.S.Salimova



4-topshiriq. O'zbek tiliga tarjima qiling.

Принял для обмена, принял драгоценностей на сумму... , получил от ... 10 (десять) упаковок, принял на хранение.



Jadvalni to'ldiring

Fikr yoki g'oya	Ish qog'ozlari bilan tanish bo'lishning ahamiyati
(F) – fikringizni bayon eting	
(S) – fikringiz bayoniga sabab ko'rsating	
(M) – ko'rsatgan sababingizni isbotlovchi misol keltiring	
(U) – fikringizni umumlashtiring	

Uyga vazifa. Tilxat namunasini yozing.



E‘tiboringiz uchun
rahmat!